

SAMOA

Faatulagaina o Aiaiga

1. Igoa puupuu ma le amataga
2. Tulafono Autu
3. Faaofiina o le fuaiupu fou
4. Faatagaina o le tuueseina atu o fana, ma isi mea, sa taofia e leoleo

2006, Nu. 11**O SE TULAFONO e teuteu ai le Tulafono o Auupega 1960.**
[21 Iulai 2006]

UA FAIA e le Fono Aoao Faitulafono o Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o Auupega (Nu. 2) 2006.

(2) O lenei Tulafono e tatau ona amata faamamaluina i le aso e tuuina i ai le maliiega a Le Ao o le Malo.

(3) O le Faasilasilaga o le amata faamamaluina o lenei Tulafono e tatau ona lomua faasalalau i le gagana Samoa ma le gagana Peretania i le Savali ma se isi nusipepa o lo o faasalalauina i totonu Samoa.

2. Tulafono Autu - I totonu o lenei Tulafono, “Tulafono Autu” o lona uiga o le Tulafono o Auupega 1960.

3. Faaofiina o le fuaiupu fou – Ua faaofiina le fuaiupu fou ina ua tuanai le fuaiupu 9 o le Tulafono Autu e faapea:

“9A Faamagaloga o le umia faasolitulafono o fana-(1) E mafai e le Minisita mai lea taimi i lea taimi ona faaalua manino se vaitaimi e faamagaloga ai le umia faasolitulafono o fana.

(2) O se tagata o ia lea ua na faafoi atu se fana i se ofisa o leoleo a o faagasolo le vaitaimi e faamagaloga ai le umia faasolitulafono o fana ua le faia e ia le solitulafono i lalo o le fuaiupu 9 i le umia o se fana e aunoa ma se tusi faamaonia o le faamauina o lena fana..

(3) O se tagata o ia lea ua na faafoi atu ni ututau, mea papa po o auupega matautia i se ofisa o leoleo a o faagasolo se vaitaimi e faamagaloga ai le umia faasolitulafono o fana ua le faia e ia se solitulafono i lalo o le fuaiupu 13 i le feaveaiga po o le umia o na ututau, mea papa po o auupega matautia ae vagana ai o se faamoemoe faaletulafono talafeagai ma tata ai.

(4) So o se fana, ututau, mea papa po o auupega matautia e faafoi ane a o faagasolo le vaitaimi e faamagaloga ai le umia faasolitulafono o auupega e mafai ona tuueseina atu loa i le taimi lava lena i se faiga o le a faatonuina e le Komesina.”

4. Faatagaina o le tuueseina atu o fana, ma isi mea sa taofia e leoleo – Ua teuteuina le fuaiupu 25 o le Tulafono Autu i le aveesea o upu “mo le itiiti mai nai lo le (2) lua tausaga” ma suia i “mo le lē itiiti mai nai lo le ono (6) masina”.

O le Tulafono o Teuteuga o le Tulafono o Auupega (Nu. 2) 2006 o lo o faafoeina i le Matagaluega o Leoleo, Falepuipui ma Tinei Mu

**Lolomiina e le Failautusi o le Fono Aoa o Faitulafono,
i le pule a le Fono Aoa o Faitulafono.**